

و

ابطلى و لا تخطى
ابعد عن الشر و غنى له
ابعد عن الشر و غنى له و لا تانى له
ابعدوا تبقوا غسل و اقربوا تبقوا بصل
ابن العدو عدا و عدانى وابن الحبيبة عدا و خلانى يا ابن ابنى يا ابن بنتى يا ابن الناس
ابن الحبيبة عدى و لا عدانى و ابن العدو عدى و عدانى
ابن الكبه طلع القبة و ابن اسم الله خدا الله
ابنى فى ملكك وملك غيرك لا و احكم بطبعك و طبع غيرك لا و ربي ابن ابنك و ابن بنتك لا و المية تنزل فى الواطى و العالى لا
ابنى فى ملكك و ملك غيرك لا و ربي ابن ابنك وابن بنتك لا و الشعر يطلع فى القفا و الكف لا و الاصيل يتنخى و النذل لا
ابن يوم ادى له يوم و ابن سنه ماتحاسبوش
ابوك البصل و امك التوم منين تجيك الريحه الحلوة يا مشنوم
ابويا نهانى و قال لى على الكسل بطال اعمل بخمسة و حاسب البطلال
اتبع الحافى و خد و طاه
انجوز غازية و لا تجوزش عمراوية
اقنى غازية و لا تقنيش عمراوية
اتحمل همك و هم غيرك تموت و انت واقف على حيلك
اترك الهم ينساك و ان افكرته صنالك
اتهان الورد و انبدر لما بقى مخاول البقر
الاخ اخ مرانه و الخايبة تحلف بحيانه
اخبار البلد مع مبن مع العمى و المكسحين
اخذ ابن عمى و اتنشر عليه بكمى و اخذ ابن خالى و اتنشر عليه بشالى

اخرس و عامل قاضى
اخطب لبنتك و لا تخطبش لابنك
اخوك ما هو اخوك و ابوك ما هو ابوك
اخيطة بسلية و لا المعلمة تقول هانى كراية
ادعى على ابنى و اكرة اللى يقول امين
ادعى على ابنى و قلبى يقول اسم الله
ادعى على ابنى و قلبى يقول بعيد الشر
ادوا البخوت لمكتكتين الروس و امات شعر خيلى بختهم متعوس
ادى الجمل و ادى الجمال
ادى الجمل و ادى النخلة
ادى الحلق للى بلا ودان و الفول للى بلا سنان
ادى السما و ادى الارض
ادى العيش لخبارينة و لو ياكلوا نصه
ادى مالك للى عنده مال و ادى عيالك للى عنده عيال
ادينى عمر و ارمينى البحر
ادينى النهارده صوف و خد بكره خروف
ادم البخوت للندل والندلة و مكتكتين الشعر و الهبلة
اذا اختلف اللسان ظهر السارق و المسروق
اذا كان عندك السمن بالقنطار لا تقلى للعدس و لا للبصار
اذا كان عندك مال و عاوز تفنيه هد بيتك و ابنيه
اذا كان النبيت دردى و العشيق كردى و النقل فول حار و العشا بصار ايش يكون الحال
اردب فول و لا اردب شعير
اردب ما هو لك ما تحضر كيل تنعفر دقنك و ما ينوبك غير شيله
الارض بفلوس و السما ببلاش

اسعى يا عبد وانا اسعى معك وان قعدت يا عبد ماحدث ينفعك اسعى يا عبد وانا اسعى معاك و ان نمت يا عبد مين ينفعك

الاسم طوبة و الفاعل امشير

اسمع من صاحبك و فتش على قوله

اشترى الرخيص و بيع الغالى

اشكى لمين و كل الناس مجاريج

اصباح الخير يا جارى انت فى حالك و انا فى حالى

اصباح الخير يا جارى ال قال انت فى دارك و انا فى دارى

اصطلح الفار على العرسه و نسيوا الهتيكة والجرسه

اصطلحت المقشنة ويا البلاعة و الاثنين بقوا جماعة

اضحك و انشرح و اوعى صبعك لينجرح

اضرب عاد بتمود وضارب النصارى باليهود و ارقص مع القرد اذ حكمت ما دمت فى دولة القرد

اعرف صاحبك و اركنه و اعرف عدوك و اركنه

اعزم و اكرم و اكل العيش نصيب

اعمى اتجوز طارشة لا هو شايفها و لا هى سامعاه

اعمى ينادى على اخرس لا ده شايف و لا ده سامع

اعمل انت وانا و المجازى فى السما

اعمل طيب و ارميه البخر

اعمل الطيبه و ارميها البحر

اعمل الطيب فى الكلب و لا تعملهاش فى الجندى

اعمل الخير و ارميه فى بحر جارى ان ضاع عند العبد ما يضعش عند البارى

اعمل كل شى تلقى ما عدا القحب و السرقة

اعمل اللى عليك و الباقى على الله

اغسلى حلتك من دمعتك و لا تغسلهاش من زلعتك

افطرو و اتمخطرو و اتغدوا و انمدوا و اتعشوا و ائمشوا

افطروا و اتنطروا و اتغدوا و اتمدوا و اتعشوا و اتمشو
اقطع راس الكلب و ارميها و اللى فيه خصلة ما يسليها
اقطع ودان الكلب و دليها و اللى فيه خصلة ما يخليها
اقطع و دن الكلب و دليها و اللى فيه خصلة ما يخليها
اقعد اعوج و اتكلم عاقل
اقعد اعوج و اتكلم عدل
اكل فول و اخرج قفاى عرض و طول و لا اكل الكباب و وقفة الديانة ورا الباب
كلهم تجارة و لبسهم خسارة
اكل و مرعى و قلة صنعة
اكلونى و سقونى و ها اعرف اللى ولدونى
اكنس بيتك و رشه ما تعرف مين يخشه
البسى خف و اقلعى خف لما يجى خف يناسبك
البسى خف و اقلعى خف لما ما ييقاش فى الدنيا و لا خف
البسوا لما تقرفوا و البسوا لما تضعفوا
الحس مسنى و بات مهنى
الحس مسنى و ابات مهنى
الحس مسنى و ابات مهنى و لا خروفك اللى قتلنى
الحس منسى و ابات مهنى و لا سمنك و عسلك ده اللى قتلنى
الحس مسنى و انا مهني و لا خروفك اللى قتلنى
الف البلد شقه شقه و استخبي على السقا
الف حاوى و لا محلاوى
الف مجوسى و لا دقادوسى
الف عدو برا الدار و لا عدو جوا الدار
الف نورى و لا دمنهورى

قلة و كئابه

الله يلعنك يا زمان ياللى خليت للنذل كلام و جيت اللى ورا قدام و خليت السيد خدام

اللى افتكرنى ما عقرنى و لو جاب طوبة و زقلنى

كل شى و له سبب

كل شئ له وقت و له اوان

كل شى و له اخر

كل شيخ و له طريقة

كل طير و له مصيدة

كل عقدة و لها حلال

كل على كيفك و البس على كيف الناس

كل قبيلة و لها شيخ

كل مشكلة و لها عند الكريم حلال

كل عقدة و لها عند الكريم حلال

كل مولود و له رزقه

كل واحد و رزقه

كل واحد و مقدرته

كل واحد و نيته

الكلام اخذ و عطا

كلام القلب له لحظة و كلام العقل له الباقي

كلام لا بودى و لا يجيب

كلب و مسك عظمة

كلم القحبة تلهيك و ترزيك و اللى فيها تجيبه فيك

كلمة تجيب و كلم تودي

كله كوم و الشى ده كوم تانى

كلوا مع بعض عيش و ملح
كنا فين و بقينا فين
الكوع مديب والوش مهيب و اللى يصطبح بيكى لا يبيع و لا يتسبب
دقة بدقة و لو زدنا لزيد السقا
لا احم و لا دستور
لا بيحن و لا بيسب حنية ربنا تنزل
لا بيرحم و لا بيسب رحمة ربنا تنزل
لا بيضة و لا سمرة ما حلو الا حلو الطبايع و الشماليل
لا بيهش و لا بينش
لا حيلة فى الرزق و لا شفاعة فى الموت
لا زبيد و لا عبيد و لا نطااط الحيط
لا شغلة و لا مشغلة
لا ضبة تغلب ضبة و لا مفتاح يغلب مفتاح
لا طال ابيض و لا اسود
لا طال بلح الشام و لا عنب اليمن
لا ورا و لا قدام
لا بير و لا يدى السر
لسانك حصانك ان صنته صانك و ان هنته هانك
لما قالوا دا غلام سقفوا و زغردوا الجيران
لما قالوا دا غلام انشد ظهري و استقام و لما قالوا دا بنية قفلوا الباب عليا
لو انا عمية و عرجة و كيعانى خارجة و انت بقى اللى معاك مية المحايا مش عايزة
الليل له جفون و النار له عيون
ما تسبش حقك و تطالب بحق غيرك
ما حد ييجى لنا و عليه العين الا المفلس ولحمته رطلين
ساعة للشيطان و ساعة للرحمن

اسال مجرب و لا تسال حكيم
اضرب النسا بالنسا و العصا بالعصا
اثنين ما بشبعوا طالب العلم و طالب المال
احذر من عدوك مرة و من صديقك الف مرة
اذا اكل الغني الحية قالوا من حكمته و اذا اكلها الفقير قالوا من جهله
ان شئت ابكي و ان ما شئت ابكي
ان عشقت اعشق قمر و ان سرقت اسرق جمل
ان عمل و ان ما عمل متعوس و خائب الامل
البخيل عدو هلال و عدو نفسه
بعث جاري و ما بعث داري
حط راسك بين الروس و قول يا قطاع الروس
خذ المجنونة بنت العاقلة و لا تاخذ العاقلة بنت المجنونة
لخسارة في المال و لا الخسارة في العيال
دين اليهود بالقدور و دين النصارى بالزهور و دين المسلمين بالقبور
زتون زيتون و حرة اكون
زعل العاقل في فعله و زعل الجاهل في قوله
ساعة لقلبك و ساعة لربك
صباح الخير يا جاري انت في دارك و انا في داري
عاشر الكفار و لا تعاشر الزوار
العلم ياما عمر دور و الجهل ياما خرب دور
العمل بطعم غسل و الجهل بطعم بصل
عند العقرب لا تقرب و عند الحية افرش ونام
مراية الحب عامية تعمل الكوسة بامية و مية الفسيخ شربات
الغالي رخيص و الرخيص غالي
قال ليش بتبكي و انا عمك قال ببكي لانك عمي

قطع اعناق و لا قطع ارزاق

قلبي على ولدي و قلب ولدي على الحجر

كلب يعوي معك و لا كلب يعوي عليك

لا وجه يعرف و لا قرش يبصرف

اللي يعرف يعرف و اللي ما يعرف بقول كف عدس

اللي ضرب ضرب و اللي هرب هرب

اللي طبل طبل و اللي زمر زمر

المرأة بتحب يوم و بتكره اربعين يوم

المنحوس منحوس و لو علقوا على باب داره فانوس

مين حبك ما بنى لك قصر و مين كرهك ما بحفر لك قبر

نام بكير و قوم بكير و شوف الصحة كيف بتصير

الولد ولد و لوصار قاضي بلد

زي الشمعة بتنور على غيرها و بتحرق نفسها

زي الجمل بحمل ذهب و بوكل شوك

الناس معادن كمعادن الذهب و الفضة

ماشية محزقة الملاية و موقعه قلوب الرجاله

مسلوعة و زي البوصة

لو كان عيبه فى كفه شنبه يلمه و يقعد على البساط و ينقى ست الستات

قلب المؤمن دليله و قلب العاشق طنان

عطى زياديك و لا تغطى زيادى الناس

سهنانه و بهنانه و من جوة شيطانة

خد التخينة و لا تخاف منها مرتبة و منها لحاف

خد الجميل و اقعد قبالة و ان جا عليك العصر كل من جماله

خدى اللى يحبك و لا تاخديش اللى تحبيه

ايد الحب تشفى و ايد الحقد تجرح

الحب اعمى و اطرش
الحب شىء و الجواز شىء تانى
الحب مش بالنبوت و لا بالمال و لا بالحيال الحب بالقلب
الحب نار يولع و ينطفى
الحلو وشه قمر و ما بيكملش
البنيت مالقتش حاجة تشغلها جابت المشط و قعدت تغلى شعرها
ما يخافش من السيف و لو على رقبتة
لا سيما و لا قيمة و كلامه كله قيمة
يفتح الابرة و يبلع المنجل
بيعمل من البحر طحينة و يعبى الميه جوه الشوال
واد مفتح و ما ينضحكش عليه
لقمة القمح صبية و لو كانت يمنية
لا له فى الطور و لا فى لطحين
لا عايدة و لا فايده
لا تفرصينى يا نحلة و لا آكل من عسلك
لا تعايرنى و لا اعابرك ياللى الغلب طايلنى و طايلك
لا تزور العازبة و لا اللى جوزها غايب
كنت فى جرة و خرجت برة
كنت عازب مستريح من الكساوى و المونة قام عقلى قال اتجوز جت وقعتنى فى الشعنونة
زى ناكر و نكير
عاملين زى ناكر و نكير
ده ماكانش على البال و لا على النية
الارض انشقت و بلعتهم
بله و اشرب مينته

سلقط و ملقط
فص ملح و داب
لا كانى و لا مانى
لا فايده و لاعايدة
بين تارة و تارتين
هخليه يكع اللى ورام و اللى قدامه
الحسنة بتخص و السيئه بتعم
يرجع الشباب و الانتعاش للى فى غرفة الإنعاش
زى اللى قطع رباطه و جرى
أنا وراك و الزمن طويل
أنا و أنت و الزمن طويل
إصطبح و قول باصبح
حار و نار فى جتتك
حار و نار و غضب الجبار
خلق ناس و تحفهم و كيب ناس و حدفهم
من كتر كلامه كتر ملامه و من قل كلامه قل ملامه
كلام مالوش رأس و لا رجل
كلام على الغاضى و المليان
كلمة رطل و عشرة رطل
كلمة توديه و كلمة تجيبه
فرح علينا الشايح و الضايح
بوس راس مراتك فى الفرشة و لا تبوسهاش فى الجلسة
البنيت لعمتها و لو قطعوا رقبتها
بنيت بلا امها تلعب بكمها و ولد بلا ابوه يركب المرجيحة
بنيت الاصل تخاف من العار و لو بالنار ضربوها

بطلوا ده و اسمعوا ده
البحر يروق و يتعكر
البحر واحد و السمك الوان
باع فى البلد طينه و جاى يدلدل كمام قفاطينه
اوقية لحم و لا فدان فى الكروش
اول المنطاعين و اخر العاصين
انكوى الوش و القفا والعدو ما اشتفى
اهرى يا مهرى و انا على مهلى
ان كان جارك سفيه اعمل له كعك و هاديه
ان عمل و لا ما عمل متعوس و خايب الامل
ان عمل صوابه مسرحة او فتيلة ما فى حمد و لا جميلة
ان شامت جارك ابقيه و ان غسلت توبك انقيه
جوزت بتتك غريبة حضر لها حمارة و زكية
ان جابوا للحزينة ميت اردب هى الحزينة و مشتبهة الحب
امك فى العشة و لا طارت
اللى يمشى ياما يشوف و اللى يلف يشوف اكثر و اللى قاعد فى الدار خروف و الزهير ما يعطى الا الحلوف
اللى يسمع كلام الناس ما ينفعش و اللى ياكل الحرام ما يشبعش
اللى يسكت و ما يقولش لمراته ليه رحمة الله عليه
يخنق العصفور و يبكى عليه
يحبب فيك خلقه و الحصى فى ارضه
يحب الجوع و الراحة
يجبر بخاطرك عند العبد و عند الرب
يبقوا اختين و لهم بختين
ياكلها تمساح و لا ياخذها فلاح
يا ميت ندامة على اللى حب و لا طالشى

يا مقومنى و انا كلى اوجاع يا ماكلنى من على فرشة البيع
يا مفرقينه و مشتھينه اقعوا جنب الحيطان و كلوه
يا مثبت العقل و الدين
يا فرحة ما تمت خدها الغراب و طار
يا فاحت البير و مغطيه لابد من وقوعك فيه
يا غالية و كاوية
و لا من شاف و لا من درى
و لا حكم قراقوش
و لا حد خالى من الهم حتى القمر فى العلالى
و الاسم مخطوبة وانا قاعدة فى البيت رى الطوبة
وقعت و لا الهوا اللى رماك
وقع و ما حدش سمى عليه
و على ان اسعى و ليس على ادراك النجاح
ودن من طين و ودن من عجين
وداه البحر و جابه عطشان
هيبقى ابنى فى حجرى و ادور عليه
نعمة و اللى يكرها يعمى
النسوان من ريحهم يتعبوه و من تعبهم يريحوه
النسب عصب و ان صح بيقى قصب
النبي حارسكم من العين قمر و انفلق نصين
ناس ياكلوا البلج و ناس يترموا بنواه
الناس مقامات و اللى علا فى مقامه فى الهنا بات
ناس لها بخت و ناس لها قلايط
ناس لها بخت و ناس لها ترتر
ناس خبرها فى السوق و ناس خبرها فى الصندوق

ناس تكسب و لا تتعيب وناس تتعب و لا تكسبش
ناس تاكل بلح و ناس تنضرب بالشماريح
مين يشهد للعروسة قال امها و خالتها و اهل حارتها
مين يمدح العروسة الا اهلها و جيرانها
الموت و لا العار
من يومك يا خالة و انتى على دى الحالة
من خد و ادى صار المال ماله و من خدم الناس صارت الناس خدامه
من جاور السعيد يسعد و من جاور الحداد اتحرق بناره
معزة قايمة و معزة نايمة
مطرح ما ترسى دق لها و انا ادق معاك
مشيك فى المعزة اربعين يوم و لافى المذلة الف عام
مش عارف لا ابيض و لا اسود
مرزق و الناشفة فى ايده خضرة
ما يعجبوش العجب و لا الصيام فى رجب
مالوش فى التور و لا فى الطحين
مالوش اصل و لا فصل
لقيتش حد اعاديه جبت اخويا و نزلت ضرب فيه
ما كان اتعذر و لا باع جزر
ما عيب الا العيب و فعل العيب
ما تعريش طيزك للديان و تقول ده قضا الرحمن
لما الغاس تقع فى الراس العين تدوخ و القلب ينسى
لا نار و لا حريق انا جاى فى الطريق
لا منه و لا كفاية شره
لا فائدة و لا عايدة
لا عارف ابيض و لا اسود

لا طال عنب الشام و لا زيب اليمن
لا صباح و لا مساء و لا كلمة كويسة
لا حول و لا قوة الا بالله
لا حصيرة و لا مخدة و كمان مش لدة
لا تيار و لا نافخ نار
لا تعابرنى و لا اعيرك يا للى الهم طايلى و طايلىك
لا تصاحب الاقرع و لا تاخذ منه نصيحة لو كان ربنا بيحبه كان اداها له صحيحة
الكوع مديب والوش مهيب و اللى يصطبح يبكى لا يبيع و لا يتسبب
كلى من غرارته و افقى مرارته
كلها لحم و سابها عضم
كله فانى و اللى عند الله باقى هنيالك يا فعل الخير والثواب
كلمة تجيبه و كلمة توديه
كل و بخلق عينيك اكلة و اتحسبت عليك
كل واحد و ضميره
كل واحد و شطارته
كل فاكهة مولية و لا تاكلشى فاكهة جاية
كل فارس و له كبوة
كل عصر و له اذان
كل طويل هبيل و كل قصير مكير
كل سن و له حكم
كل حوت و له صياده
كل حجرة و لها اجرة
كل حارة و لها عجرها
كل تور و له قرون

كف بخت و لا فدان شطارة
كذب مزوق و لا صدق منعكش
كثر الحزن يعلم البكا و كثر الهز يعلم الرقص
الكبير كبير و الصغير صغير و النص نص
كانت خالتي و خالتك و اتفرقت الخالات و كل واحد راح لحاله
كان فى جره و خرج لبرة
كان زمان و جبر
كانك يا بوزيد ما غزيت و لا رحت و لا جيت
قيدها بقيد حديد و جوزها فى بيت السعيد
القلب و ما يعشق
القلب و ما يريد
قل له فى وشه و لا تغشه
قعدة الخزانة و لا الجوازة الندامة
قطنه جمل و براغيته رجاله
قطع عرق و سيح دمه
قطع الايديين و لا قطع رد الدين
قصير مكير و طويل هبيل
قامت الدنيا و لم تفعد
قال يا جحا حمانك تحبك قال فاضى و رابق لها
فى الهم مدعية و فى الفرح منسية
فى الغطاس مص القصب و الطيخ فلفاس
فى السر و لا من شاف و لا من درى
فى حاله و كافي خبره شره
فى التانى السلامة و فى العجلة الندامة
فوقنا خرا و تحتنا خرا و نقول اف ريحة الناس

فوق كل قادر مقتدر و لكل ظالم نهاية
فقير و نقير
فقر و قنعة
فقر و عنطرة
الفقر مش عيب و الغنى مش شر
فرحة ما تمت خدھا الغراب و طار
غير من جارك و لا تحسده
الغربة كربة و البلاد بعيدة
الغالب مالوش نايب و النعسان غطوا وشه
الغالى رخيص و الرخيص غالى
عيوبى لا اراها و عيوب الناس اجرى وراها
عين و صابته
العين فلقت الحجر باللا النجا و السلامة من العين
عين العدو تبان و لها زبان
العين صابتنى و رب العرش نجانى
عيش فى العز يوم و لا تعيش فى الذل سنة
عند العطا احباب و عند الطلب اعداء
العنب ان صح فسد و ان فسد صح
عملت اللى على و الباقي على الله
عمل و دن من طين و و دن من عجين
العمل عمال و المال همال
العمر واحد و الرب واحد و الروح ما تطلع الا للى خالقها
العشرة ما تهونش الا على الخاين و ابن الحرام
العزوة حلوة و لو فى الكلاب
العزوبية و لا الجوازة الردية

عزل و لا تبيض
عروسة الندامة تنام و تقوم كسلانة
عذاب ساعة و لا كل ساعة
عد غنمك يا جحا قال واحدة قايمة و واحدة نايمة
العدم عادم و لو انشال جوا القلوب
عاجزة و مكسحة و تقول للصايغ تقل لى الخلال
طول عمرك يا ردة و انتى كدة
طلع من الشق يشفق و له حواجب و عينين بحق
طلبوها اتعززت و فاتوها اتندمت
الطشاش و لا العمى
الطحان ياخذ حقان بحقان و ربنا ياخذ حقان بحقان
ضلالى و عامل امام و الله دا حرام
الضفر ما يطلعش من اللحم و الدم عمره ما يبقى مية
صيف بمحراتك و لا تصيف بشرشرتك
صلى و صام لامر كان يطلبه حتى اذا انقضى الامر لا صلى و لا صاما
صاحب المال له مقام و مقال
صباح الخير يا جارى قال انت فى حالك و انا فى حالى
صبحنا و صبح الملك لله
صبرى على خلى و لا عدمه
صبرى على نفسى و لا صبر الجزار على
الشيشب و القيقاب بقوا الاتنين اصحاب
الشبعان يفت للجعان فت بطى و يقول له كل لما تشبع
شحات و فى ابده وردة
شدة و تزول
الشريك المخالف و لا الوحدة

شعب تجمعه ندهة و تفرقه عصاية

ست لثيمة وانا الأم منها تعد العيش و انا انقص منها

الستات قلوبهم زى ورقة السجارة كلمة تجيبهم و كلمة بتجيبهم

السلام لله و المسا لله

السوق غالب و مغلوب

ساهى الكذاب و كلمه

سبحان الحى الذى لا يغفل و لا ينام

سبحان العاطى الوهاب بعد الشيشب و القيقاب

سبحان من يغير و لا يتغير

السبع سبع و لو فى قفص

زقنى و الا اقع

زى الارنبه تولد مية و تقول يا قلة الدرية

زى اللى رقص على السلم لا اللى فوق شايفه و لا اللى تحت شايفه

زى الشمعة اللى تنور لغيرها و تحرق نفسها

زى الصوف دوسه و لا تبوسه

زبون اخر النهار زى الطير اللى ببوزه منقار ان قلت له هتش طار و اذا سكت له خرب بيتك

زعيط و معيط و نطااط الحيط

ربنا يحب فيك خلقه و الحصا فى ارضه

ربنا يغير و لا يتغير

ربنا يقطع من هنا و يوصل من هنا

ربنا يهدى لك العاصى و يحنن لك القلب الفاسى

ربيت كلب و ان دار عقرنى

رجع ابد ورا و ابد قدام

رحت بيت ابويا استريح سبقنى الهوا و الريح

الرزق يحب الخفية و المبرر رزقه اكثر

ربنا خلق البحر و مده قال كل واحد على فده
ربنا كبير يمهل و لا يهمل
ربنا ما يشمت فيك عدو و لا حبيب
الحظ ما يجيش الا مرة واحدة و بس
الحق اللي يمشى و الا الباطل الحق
حلى تكون ماتت ناس و حيت ناس
الحلوة و المجنونة عند الراجل بالمونة
حمد الله على السلامة اجر و عافية
حيلة امه و ابوه
خدى لك راجل يبقى لك بالنهار اجير و بالليل غفير
خرطها الخراط و اتمدد مات
خسارة الفلوس تتعوض و خسارة النفوس عمرها ما تتعوض
خسر الجلد و السقط
خليك فى حالك يصلح حالنا و حالك
الدعا بيلف يلف و يرجع على صاحبه تانى
الدم يحن و لو فى المجزرة
الدنيا حبة فوق و حبة تحت
الدنيا حظوظ و مزاجات
الدنيا دوارة لا تخلى المطالع طالع و لا النازل نازل
الدنيا دى لا غالب و لا مغلوب
الدنيا دى يوم حلو و يوم مر
الحارس الله و الصلاة على النبى
الحال لا يسر و لا عدو و لا حبيب
حالته لا تسر لا عدو و لا حبيب
الحب زى الموت لا يعرف غنى و لا فقير

حبيبك يبلغ لك الزلما و عدوك يتمنى لك الغلط
حداد الكفار حياته و موته فى النار
حرص من صاحبك و لا تخونه
ادى البير و ادى غطاه
ادى البير و ادى غطاه و ادى الرب اللى احنا حداه
اهى ليلة و فراقها صبح
اهى مودة و السلام
البعء عن الشر و غنى له و لا تقنى له
ابكى عليه و عددى و تعالى جنبى مددى
ابن اربعة ربعوه و ان ماقعدش كيبوه
ابن الحسب و النسب
ابن ليلة و عارف الشيلة
ابوك ابوك و لو كان صعلوك
ابوك خلف لك ايه قال جدى و مات
ابوخوخة و ابوفلة فى القبر بيتدلى
اتق الله فى صنعتك و لو كنت حرامى
احب الخير لبناتى و بنات بناتى و بنات الناس بالتعساتى
احفظ قديمك و لو كان الجديد اغناك
احنا فىن و انت فىن
احنا ها نلاقها منين و لا منين
اخبار الست فى السوق و اخبار الجارية فى الصندوق
اخزى الشيطان و اصرف الشر
ادعى على ابنى و اكره اللى يقول امين
ادعى يا امه بالعيلة و اللمة
اشتغل يوم العيد و لا تمد ايدك لاخوك السعيد

اضرب ابني و اكره اللي ما يحوشنى
اضرب الندل و اكفيه و بوس راسه يكفيه
اطعم مطعوم و لا تطعم محروم
اعشق غزال و الا فضها
اعمل اللي عليك و سيب الباقي على الله
اعمل المعروف و ارميه البحر
اقرع و نزهى
اقفل باب دارك و لا تخون
اكثر من كدا و يزيج ربنا
اللهم لا اسالك رد القضاء و لكن اسالك اللطف
الاهى يكسر بخاطره عند العبد و عند الرب
اللى عاجبه من الكحل يتكحل و اللي مش عاجبه من البلد
اللى عنده عيش و بله عنده الهنا كله
اللى فى ايدي اقرب من اللي فى جيبى و اللي فى ايد الناس بعيد
اللى كسب قال الحسبة سليمة و اللي خسر قال جت على ناس ناس
اللى ما تعلمه الاهالى تعلمه الايام و الليالى و اللي يمشى فى طريق الشوك يستاهل ما يجرى له
اللى ما ربيتوش امه و ابوه تربية الايام و الليالى
اللى ما ربيتوش الاهالى تربية الايام و الليالى
اللى ما يبلع ريق على ريق لاله صاحب و لا رفيق
اللى ما يعدنى ما اعدده و لو كان البننى جده
اللى ما يقدر على الحماره و عليقها يخلى من طريقها
اللى من غير اب يلفظ به الرب و اللي بلا ام حاله يغم
اللى يحبه ربه يحب فيه خلقه و اللي يكرهه ربه يكره فيه خلقه
اللى يشخ عليك شخ عليه و اهى كلها نجاسة
اللى يكرهنا يعمى و تزول عنه النعمة

ام الغول عملت فرح اباك يكفيها و يكفى ولادها
ام القليل و القاتل ما يجمعهمش بيت سوا
الامل لولاه علينا كنا لا رحنا و لا جينا
امه ساكنة و مرات ابوه مطينه
ان حكمك الندل طيعه و ان حكمته ادبه
ان زرعك تحت الكوم ما تتعيش عليه و فاضل فى امشير يوم
ان كنت عاوز تناسب حاسب و اسال على الخال
انا امير وانت امير و مين يسوق الحمير
انا خلقتك يا ابن ادم و انت على نفسك بصير
انا لله و انا اليه راجعون
انسى الهم ينساك و ان افكرته ضناك
اهلك لتهلك و ان كنت خاين
اول الغضب جنون و اخره ندم
الايام دول يوم لك و يوم عليك
ايد على ايد نعمة و حنك على حنك نقمة
ايش خاطر الاعمى قال قفة عيون و يشوف
الباب اللى ييجى لك منه الجواز سده و اقله
الباب اللى ييجى لك منه الريح سده و استريح
باطه و النجم
باع اللى وراه و اللى قدامه
برمهاش روح الغيط و هات من كل الحاجات
بسم الله مجريها و مرساها
بشر القاتل بالقتل و الزانى بالفقر
البطن نجيب الزين و الشين
بطينه و لا غسيل البرك

بعد امى و اختى كل الناس جيرانى
البعء جفا و القرب صفا
بلاش تاكلنى فرخة سمينه و تبيتنى حزينة
البلد اللى مالکش فيها عيش لاتصبحها و لا تمسيها
البلوى تعم و الفضيحة تخص
بنت الاكابر غالية و لو كان جارية
البنات حبيبة امها و الواد عكاز ابوه
بنت لامها و ولد لابوه
البنات للنعن و الواد للکفن
البياح طماع و الشارى حرامى
بيبيع و يشتري فيه
بيتكلم فى الغاضى و المليان
بيرقص على السلم لا اللى فوق شايفه و لا اللى تحت شايفه
بيضرب عصايتيه و يجرى وراها
بين البايح و الشارى يفتح الله
بين الغطاس والميلاد لا تسافر يا هذا و ان سافرت خذ تحتك سجادة
تاهت و لقيناها
تقول للقمر قوم و انا اقعد مكانك
تكون فى حنكك و تقسم لغيرك
ثلاثه و امهم فى البيت اللى يلهمهم
الجار جار و ان جار
جارية و عاوزه لها جوار
جيت الاقرع يونسنى كشف راسه و خوفنى
الجمال يخطى خطوة لقدام و خطوة لورا يشوف عيوب الناس و عيوبه لاترى
الجنابة حارة و الميت كلب

جنهم جوزى و لا بيت ابويا

جور الاتنين قادر و جوز الثلاثة فاجر